

199 *Parte de la concession del portar de le cadene d'oro, et prohibition de tutte altre sorte cadene o pater nostri et vestiti de seda sopra seda.*

1529 die 8 Maii, in Rogatis (1).

200*) *A di 8 Mazo.* La matina. Vene l'orator del duca di Urbin, dicendo haver acompagnato il suo Signor a Padoa, qual li disse haversi dimenticato di dir in Collegio che suo fiol Guidobaldo conduto a' nostri stipendi è restato a Pexaro per do rispetti, l'uno per non haver fatto la compagnia, l'altro per più segurtà del suo stado, *tamen* ogni volta che si volesse lo faria venir dove si comandarà con tutta la compagnia.

Il Serenissimo li disse non importava, et che semo contenti di tutto quello piaceva a la excellen-
tia del signor duca etc.

Vene l'orator di Fiorenza per ricomandar un fio fo di messier Bonin fo degan di Treviso, sichè fo per cose particular.

Vene l'orator di Ferrara, per trata di biave per Ferrara.

Di campo fo lettere da Pozuol del proveditor Nani, di 7. Come è li col campo, et va pagando le fantarie, et scrive danari hauti da le terre. *Item*, è venuto il signor Zuan Paulo Sforza, stato da monsignor di San Polo per meter l'ordine di abocharsi, ch'è il meglio a le rive del Texin che andar a Pavia etc. *Item*, come Monza era stà abandonata da spagnoli, et havendo li cavalli lizieri del conte di Caiazo corso verso Milan, se incontrò in 50 archibuseri de spagnoli che venivano de Monza per intrar in Milan, et li rupeno et tagliorono a pezi; el capitano loro con tre altri fugiteno in certo paludo et scapulò la vita.

Di Bergamo, di sier Zuan Antonio da cha Taiapiera vice podestà, et sier Justo Guoro capitano, di 7. Scriveno il passar del nostro campo Adda mò terzo zorno, et haver preso Cassan a description, et per quanto si ha si farà l'impresa di Trezo. Et le nove, scrisse per le altre di todeschi, par alquanto pululi, ma pur non va troppo giarde. Da doi giorni in qua habbiamo preso doi spie di Antonio da Leva, qual erano venuti a sopraveder

(1) Questa parte è stampata e si ommette perchè eguale alla precedente. La stampa è datata da Venezia per Paolo Danza, con gratia, pena ducati uno a chi altri la stamparà o venderà.

(2) La carta 199* è bianca.

li bastioni et gente erano in questa città, et hauta la verità hanno scritto in campo al proveditor general, et poi sul suo pozuol è stati apichati, sì che a prenderli et farli apichar non si stete si non quatro hore. *Item*, scriveno haver examinati questi exploratori, quali dicono le zente di Antonio da Leva esser

Fo, per li governadori de l'intrade sier Ferigo 200* Morexini et sier Francesco Zen, l'altro collega sier Fantin Contarini è amalato, come il dazio di la tavola di è senza governo, et questo perchè

Unde fo deliberato metter, per Collegio, uno governador del ditto datio per mexi fino el si incanta, et rimase sier Hironimo Contarini Cao di XL qu. sier Piero da sier Anzolo Querini qu. sier Zaneto, et sier Marco Bragadin qu. sier Andrea et alcuni altri.

In questa matina il Serenissimo non fo in Collegio, per haver tolto certa purgation. La terra di peste, heri, uno a la Zuecha in casa di sier Hettor Loredan, loco novo, et la femena era stà sepulta fo dissoterata et trovato di gianduse; et 9 di altro mal.

Da poi disnar fo gran Conseio. Non fu il Serenissimo, vicedoxe sier Nicolò Bernardo. Fo leto la parte presa heri zerecha poter le done portar cadene d'oro da ducati 40 in zoso etc.

Fu fato del Conseio di X, in luogo di sier Francesco Foscarei ha zurà la consilaria di Venetia, sier Nicolò di Prioli è di Pregadi, qu. sier Giacomo, qual vene dopio, da sier Antonio Surian dottor et cavalier fo podestà a Brexa.

Item, fu fato altre 8 voxe, ma non passò li tolti di la Zonta, *licet* havesseno titolo di Pregadi, *tamen* per danari.

Noto. Per via di Fontego di todeschi, per lettere di Alemagna in mercadanti todeschi, se intese come la dieta di Spiera, dove si ha tratà *etiam* la materia di la fede lutheriana, è sta terminà che non si fazi altro *pro nunc* fin la venuta de l'imperador, ma cadaun sequiti qual doctrina voleno, o la romana o la lutheriana; et hanno electi 4 sopra queste cose, il duca di Saxonia, il marchese di Brandiburg, il cardinal Salzpurch, et lo episcopo di Augusta. *Item*, come hanno tratà di far zente in defension di la Alemagna contra turchi. *Item*, come in Saxonia fra Martin Luther, qual era maridato et ha fioli, era morto.